



Nr. 287

### 1. januar 2018 aallarnerfigalugu isumaginninnermi ikiorsiissutit tunniunneqartartut pillugit kaajallaasitaq atuuttussa.

Kaajallaasitami matumani akigitit Isumaginninnermut, Ilaqutariinnermut, Naligiissitaanermut Inatsisinillu atuutsitsinnermut Naalakkersuisoqarfimmi atuutsinneqartut tulleriarlugit nassuiarneqarput. Akigititat allanik takussutissaqartoqanngippat 1. januar 2018-imiit atuutilissapput.

Sagsnr. 2016-14666  
Dok.nr.

Postboks 260  
3900 Nuuk  
Oq/tel +299 34 50 00  
[inilian@nanog.gl](mailto:inilian@nanog.gl)  
[www.naalakkersuisut.gl](http://www.naalakkersuisut.gl)

### ***Pisortanit ikiorsiissutit pillugit inatsisartut peqqussutaat naapertorlugu akiusut***

#### **Angerlarsimaffimmi ikiorteqarnermi akiliut**

§ 1. Pisortanit ikiorsiissutit pillugit Inatsisartut peqqussutaanni nr. 15, 20. november 2006-imeersumi § 29, imm. 3 aamma Angerlarsimaffimmi ikiorteqartarneq pillugu Namminersornerullutik Oqartussat nalunaarutaat nr. 32, 26. juli 1994-imeersumi § 4 naapertorlugit angerlarsimaffimmi ataavartumik ikiorteqarnermi akiliutigineqartarpoq:

Inoqutigiiit aningaasarsiaat akileraaruteqaataasussat naatsorsorneqartut kingulliit	Nammineq akiliutit %-inngorlugit	1. april 2017-imiit nalunaaquttap akunneranut nammineq akiliutigineqartartussanut missingiut.
kr. 0 – 130.000	0,00	kr. 00,00
kr. 130.001 – 180.000	33,33	kr. 30,56
kr. 180.001 – 280.000	66,67	kr. 61,11
kr. 280.000 qaangerlugit	100,00	kr. 91,67

Akiliutissap naatsorsorneqarnerani angerlarsimaffimmi ikiorteqartumut ataatsimut kommunip aningaasartuuterpiaa aallaavigineqarsinnaavoq, kingornalu nammineq akiliutissaq "Nammineq akiliutit %-inngorlugit" naatsorsuinnermi aallaavigineqarluni imaluunniit "Aki toqqammavisoq malillugu Nalunaaquttap akunneranut Akiliut" aallaavigalugu naatsorsorneqarsinnaalluni

Utoqqalinnermi pensionisiat pillugit Inatsisartut inatsisaanni nr. 20, 23. november 2015-imeersumi § 18 naapertorlugu utoqqalinnermi pensionisiatqartut akiliuteqarnatik angerlarsimaffimmi ikiorteqarsinnaapput. Utoqqalinersialik ikiorserneqarnermigut angerlarsimaffimminiiginnarnissaa siunertaralugu.

**Meeqqanut akilersuutit il.il. tunniunneqartarnerat pillugit Inatsisartut peqqussutaat naapertorlugu akigitinneqartut aamma meeravissiaartaarnermi tapiissutit.**

**Meeqqanut akilersuutit il.il.**

§ 2. Meeqqanut akilersuutit il.il. tunniunneqartarnerat pillugu Inatsisartut peqqussutaat nr. 2 af 3. marts 1994-meersoq naapertorlugu akigitinneqartut atuuttut kiisalu Inatsisartut peqqussutaat allannguut nr. 3 12. juni 1995-meersoq meeqqanut akilersuutit meeravissiaartaarnermut tapiissutit makkuupput:

§ 4, imm. 2, nr. 1 naapertorlugu:

Ataavartumik akilersuutit nalinginnaasut ukiup affaanut kr. 6.000,00

§ 4, imm. 2, nr. 2 naapertorlugu:

Anaanaasup pilersorneqarneranut erninissaq qaammatinik marlunnik sioqqullugu kiisalu erninermi qaammatip ataatsip qaangiunnerani qaammammut kr. 605,00

§ 4, imm. 2, nr. 3 naapertorlugu:

Meerartaarnermut atatillugu aningaasartuutitut tapiissutit ataasiaannartumik tunniunneqartut kr. 573,00

§ 4, imm. 2, nr. 4 naapertorlugu:

Meeqqap kuisinneranut tapiissutit ataasiaannartumik tunniunneqartut kr. 763,00

§ 4, imm. 2, nr. 5 naapertorlugu:

Meeqqap apersortinneranut atatillugu tapiissutit imaluunniit taamatut assingusumik pisoqarnerani ataasiaannartumik tunniunneqartut kr. 3.033,00

§ 15, imm. 1 naapertorlugu:

Meeravissiaartaarnermi tapiissutit annerpaamik ataasiaannartumik tunniunneqartut kr. 36.000,00

***Naartunermi, erninermi meeravissiaartaarnermilu sulinngiffeqartarneq ullormusiaqartarnerlu pillugit Inatsisartut inatsisaat naapertorlugu akigitinneqartut***

**Erninermi ullormusiat**

§ 3. Naartunermi, erninermi meeravissiaartaarnermilu sulinngiffeqartarneq ullormusiaqartarnerlu pillugit Inatsisartut inatsisaat nr. 14, 7. december 2009-meersoq naapertorlugu akigitinneqartut atuutsinneqartut tassaapput:

§ 25, imm. 1 naapertorlugu:

Ullormusiat apriliip 1-at 2017 aallarnertumik nal. akunneranut kr. 91,67

Annerpaamik sapaatip akunneranut nalunaaquttap akunneri 40-t tunniunneqarsinnaapput.

§ 35 naapertorlugu:

Ilinniagaqartut naartunertik, erninertik meeravissiaartaarnermilluunniit pissutigalugu sulinngiffeqartut:

Ullormusiat ulloq manna tikillugu ilinniagaqarnerisutitut, suliffimmik misiliinermi tapinut imaluunniit suliffimmik misiliinermi akissarsianut tiguneqartunut

naapertuuttumik inunnut ataasiakkaanut naatsorsorneqassapput, taakkunungalu ilanngullugiu ullormusiaqartup pilersuisussaataitanera najoqqutaralugu meeqqamut ataatsimut tapeq ilanngunneqassaaq.

Meeqqanut tapit Kalaallit Nunaanni nunanilu allani qaammammut meeqqamut ataatsimut maannakkut 1.000,00 kr.-nik annertussuseqarput. Ilinniartut danskit SU-annik tigusisartut angajoqqaatut SU-nik immikkut ittunik tigusisinnaapput, takuuk <http://www.su.dk/su/saerlig-stoette-til-foraeldre-handicappede-mv/foraeldre/>

#### ***Utoqqalinersiaqarneq pillugu Inatsisartut inatsisaat naapertorlugu akigitat***

**§ 4.** Utoqqalinersiaqarneq pillugu Inatsisartut inatsisaat nr. 20, 23. november 2015-meersoq kingusinnerusukkullu allannguutai naapertorlugit §§ 9 aamma 10 malillugit isertitanut killigititaasut ima aalajangersarneqarput:

1) Utoqqalinersialinnut toqqammaviumik aningaasartat qaffasinnerpaat ukuupput:

a) Utoqqalinersialinnut toqqammaviumik aningaasartat (Ilanngussaq 1 – Nalunaarsuiffik 1)

Ukiumut kr. 61.201

Qaammammut kr. 5.100

2) Utoqqalinersialinnut utoqqalinersianut tapeq qaffasinnerpaaq imaappoq:

a) Utoqqalinersialinnut aappaqartumut utoqqalinersianut tapeq (Ilanngussaq 1 – Nalunaarsuiffik 2)

Ukiumut kr. 42.198

Qaammammut kr. 3.516

b) Utoqqalinersialinnut aappaqartunut, aappaasoq utoqqalinersiaqarsinnaatitaangippat, utoqqalinersiat Inunnut Isumaginninnikkut isumannaallisaaneq pillugu Nunat Avannarliit isumaqatigiissutaannit pensionisariitneqartut saniatigut (Ilanngussaq 1 – Nalunaarsuiffik 3) aappariillu ataatsimut isertitaat maanna atuuttut, 200.000 kr.-it ataassimappatigit utoqqalinersianut tapeq qaffasinnerpaaq imaappoq:

Ukiumut kr. 75.915

Qaammammut kr. 6.326

c) Utoqqalinersialinnut kisimiittunut utoqqalinersianut tapeq (Ilanngussaq 1 - Nalunaarsuiffik 4) imaappoq:

Ukiumut kr. 75.915

Qaammammut kr. 6.326

Imm. 2. Toqqammaviumik aningaasartat utoqqalinersiallip utoqqalinersiami saniatigut isertitaanut aamma Inunnut Isumaginninnikkut isumannaallisaaneq pillugu Nunat Avannarliit isumaqatigiissutaannit pensionisariitneqartunut naleqqussarneqartarput. Utoqqalinersiallip taassumalu aappaqaruni aappaataa, siusinaarluni pensionisiat utoqqalinersiallu aamma Inunnut Isumaginninnikkut isumannaallisaaneq pillugu Nunat Avannarliit isumaqatigiissutaannit pensionisariitneqartut saniatigut, ataatsimut massakkut isertitaat utoqqalinersianut tapinut naleqqussarneqassapput.

1) Isertitanut nalimmassaaneq aningaasartat makku killigalugit aallaartissaaq:

a) Toqqammaviumik aningaasartanut (Ilanngussaq 1 – Nalunaarsuiffik 1)

kr. 224.699

b) Aappariinnut utoqqalinersianut tapinut (Ilanngussaq 1 –

Nalunaarsuiffik 2)	kr. 83.000
c) Utoqqalinersialinnut aappaqartunut, aappaasoq utoqqalinersiaqarsinnaatitaangippat, utoqqalinersiat Inunnut Isumaginninnikkut isumannaallisaaneq pillugu Nunat Avannarliit isumaqatigiissutaannit pensionisieritinnegartut saniatigut (Ilanngussaq 1 - Nalunaarsuiffik 3) aappariillu ataatsimut massakkut isertitaat, 200.000 kr.-it ataassimappatigit:	kr. 83.000
d) Kisermaanut utoqqalinersianut tapit (Ilanngussaq 1 – Nalunaarsuiffik 3):	kr. 56.000

2) Aningaasartat makku killigalugit pensionisiat atuukkunnaassapput:

a) Toqqammaviusumik aningaasartat (Ilanngussaq 1 – Nalunaarsuiffik 1)	kr. 347.101
b) Aappariinnut utoqqalinersianut tapit (Ilanngussaq 1 – Nalunaarsuiffik 2)	kr. 223.659
c) Utoqqalinersialinnut aappaqartunut, aappaasoq utoqqalinersiaqarsinnaatitaangippat, utoqqalinersiat Inunnut Isumaginninnikkut isumannaallisaaneq pillugu Nunat Avannarliit isumaqatigiissutaannit pensionisieritinnegartut saniatigut (Ilanngussaq 1 - Nalunaarsuiffik 3) aappariillu ataatsimut isertitaat maanna atuuttut, 200.000 kr.-it ataassimappatigit:	kr. 200.000
d) Utoqqalinersialinnut kisermaanut (Ilanngussaq 1 - Nalunaarsuiffik 4) utoqqalinersianut tapit	kr. 224.699

Imm. 3. Utoqqalinersiaqalersitsisoqartillugu aamma isertitani maanna atuuttuni isertitat maanna atuuttut ilimagineqartut tunulequtaralugit utoqqalinersiat naatsorsorneqassapput. Utoqqalinersititseqqaarnermiit ukiup tulliuttup naanissaata tungaanut piffissami tassani, ukiumut ilivitsumut isertitassat naatsorsuutigineqartut tunngavigalugit isertitat maanna atuuttut naatsorsorneqartarput.

Imm. 4. Ilisimaneqartumik ukiumi kingullermi isertitaqarfiusumi isertitat maanna atuuttut tunngavigalugit ukiut tamaasa januarip aallaqqaataani utoqqalinersiat nalimmassarneqartarput. Isertitani maanna atuuttuni annertuumik allanngortoqarsimappat allannguuteqartoqarnerup kingorna nalimmassaaneq qaammatip aallaqqaataani atuutilertassaaq.

Imm. 5. Angerlarsimaffiup avataanut paaqqinnittarfimmut il.il. sivisunerusumik inissiisoqartillugu tassani najugaqarneq pisortanit akilersorneqarpat, qaammammi nuuffiusumi aamma qaammammi tulliuttumi utoqqalinersiat allannguuteqassanngillat. Tamatuma kingorna utoqqalinersiat toqqammaviusumik aningaasartaat 46 pct.-ii tunniunneqartassapput.

Aappariinni isumaginninnermi ulloq unnuarlu paaqqinniffimmut aapparisaq nuuppat, qimagaasumut pensionisiassat naatsorsorneqarnissaani qimagaasoq kisermaatut isigineqassaaq.

Imm. 6. Utoqqalineri pensionisiat pillugit Inatsisartut inatsisaanni § 14, naapertorlugu akigitinneqartoq manna atuuppoq:

Meeqqanut tapit, nalinginnaasumik tapit qaammammut	kr. 1.000,00
--	--------------

***Siusinaartumik pensionisiat pillugit Inatsisartut inatsisaat naapertorlugu akigitat***

§ 5. Siusinaartumik pensionisiat pillugit Inatsisartut peqqussutaanni nr. 40, 9. december 2015-imeersumi §§ 15-17 aamma § 43 naapertorlugit akigitat isertitanullu killiliussat ima aalajangerneqarput:

1) Siusinaartumik pensionisialinnut toqqammaviusumik aningaasartat qaffasinnerpaat ukuupput:

a) Kisermaanut nalilersoqqinneqarsimannngitsunut (llanngussaq 2 – Nalunaarsuiffik 1)

Ukiumut	kr. 109.000
Qaammammut	kr. 9.083

b) Siusinaartumik pensionisialimmut, nalilersoqqinneqarsimannngitsumut pisortanillu arlaatigulluunniit pensionisiaqartinneqanngitsumik aappalimmut (llanngussaq 2 – Nalunaarsuiffik 2):

Ukiumut	kr. 109.000
Qaammammut	kr. 9.083

c) Siusinaartumik pensionisialimmut, nalilersoqqinneqarsimannngitsumut siusinaartumillu pensionisialimmik aappalimmut (llanngussaq 2 – Nalunaarsuiffik 3):

Ukiumut	kr. 81.750
Qaammammut	kr. 6.813

d) Siusinaartumik pensionisialimmut, nalilersoqqinneqarsimannngitsumut utoqqalinersiaqartumillu aappalimmut (llanngussaq 2 – Nalunaarsuiffik 4):

Ukiumut	kr. 71.286
Qaammammut	kr. 5.941

e) Siusinaartumik pensionisialimmut, qaffasinnerpaamik pensionisiaqartussatut nalilerneqartumut (llanngussaq 2 – Nalunaarsuiffik 5):

Ukiumut	kr. 113.068
Qaammammut	kr. 9.422

f) Siusinaartumik pensionisialimmut, akunnattumik pensionisiaqartussatut nalilerneqartumut (llanngussaq 2 – Nalunaarsuiffik 6):

Ukiumut	kr. 75.379
Qaammammut	kr. 6.282

g) Siusinaartumik pensionisialimmut, minnerpaamik pensionisiaqartussatut nalilerneqartumut (llanngussaq 2 – Nalunaarsuiffik 7):

Ukiumut	kr. 56.534
Qaammammut	kr. 4.711

Pensionisiat toqqammaviusumik aningaasartaat pensionisiaqartup/aappariit pensionisiaqartut saniatigut isertitaannut nalimmassarneqarneqartarput. Saniatigut isertitat tassaapput isertitat suugaluarnerisut, taamaallaat pisortanit pensionisiaanngitsut. Siusinaarlutik pensionisialinnut qaffasinnerpaamik, akunnattumik minnerpaamillu pensionisiaqartunut aappaqaraanni aapparisaq isertitai siulliit 100.000 kr.-iusut isertitanut naatsorsuinermi ilaatinneqarneq ajorput.

Imm. 2. Siusinaartumik pensionisialimmut ukiumut saniatigut isertitaniit isertitanut nalimmassaaneq aningaasartat makku killigalugit aallaartissaaq:

Kisermaanut nalilersoqqinneqarsimannngitsunut (llanngussaq 2 – Nalunaarsuiffik 1) kr. 28.000

Siusinaartumik pensionisialinnut, nalilersoqqinneqarsimannngitsumut pisortanillu arlaatigulluunniit pensionisiaqartinneqanngitsumik aappalimmut (llanngussaq 2 – Nalunaarsuiffik 2) kr. 42.000

Siusinaartumik pensionisialinnut, nalilersoqqinneqarsimannngitsumut siusinaartumillu pensionisialimmik aappalinnut (llanngussaq 2 – Nalunaarsuiffik 3) kr. 42.000

Siusinaartumik pensionisialinnut, nalilersoqqinneqarsimanngitsunut utoqqalinersiaqarsinnaatitaasumillu aappalinnut (Ilanngussaq 2 – Nalunaarsuiffik 4) kr. 70.000

Siusinaartumik pensionisialinnut, qaffasinnerpaamik pensionisiaqartussatut nalilerneqartunut (Ilanngussaq 2 – Nalunaarsuiffik 5) kr. 28.000

Siusinaartumik pensionisialinnut, akunnattumik pensionisiaqartussatut nalilerneqartunut (Ilanngussaq 2 – Nalunaarsuiffik 6) kr. 65.689

Siusinaartumik pensionisialinnut, akunnattumik pensionisiaqartussatut nalilerneqartunut (Ilanngussaq 2 – Nalunaarsuiffik 7) kr. 84.534

Aningaasartat makku killigalugit pensionisiat atuukkunnaassapput:

Kisermanaut nalilersoqqinneqarsimanngitsunut (Ilanngussaq 2 – Nalunaarsuiffik 1) kr. 180.000

Siusinaartumik pensionisialinnut, nalilersoqqinneqarsimanngitsunut pisortanillu arlaatigulluunniit pensionisiaqartinneqanngitsumik aappalimmut (Ilanngussaq 2 – Nalunaarsuiffik 2) kr. 270.000

Siusinaartumik pensionisialinnut, nalilersoqqinneqarsimanngitsunut siusinaartumillu pensionisialimmik aappalinnut (Ilanngussaq 2 – Nalunaarsuiffik 3) kr. 270.000

Siusinaartumik pensionisialinnut, nalilersoqqinneqarsimanngitsunut utoqqalinersiaqarsinnaatitaasumillu aappalinnut (Ilanngussaq 2 – Nalunaarsuiffik 4) kr. 300.000

Siusinaartumik pensionisialinnut, qaffasinnerpaamik pensionisiaqartussatut nalilerneqartunut (Ilanngussaq 2 – Nalunaarsuiffik 5) kr. 197.602

Siusinaartumik pensionisialinnut, akunnattumik pensionisiaqartussatut nalilerneqartunut (Ilanngussaq 2 – Nalunaarsuiffik 6) kr. 178.758

Siusinaartumik pensionisialinnut, akunnattumik pensionisiaqartussatut nalilerneqartunut (Ilanngussaq 2 – Nalunaarsuiffik 7) kr. 197.602

Qaffasinnerpaamik siusinaartumik pensionisiaqarnermut maleruagassat nutaat 2018-imiit atuutilersinneqassapput. Siunissami qaffasinnerpaamik pensionisiat 50%-ii "tunngaviumik pensionisiatut" taaneqartalissapput. Tunngaviumik pensionisiat appariartuaartinneqarneranni aappaqarsimagaanni tunngaviumik isertitanut aapparisaq isertitai apeqqutaatinneqarneq ajorput. Tunngaviumik pensionisiat siusinaartumik pensionisiat minnerpaat assigalugit sukkaqataanillu appariartuaartinneqartarput.

Imm. 3. Siusinaartumik pensionisiaqalersitsisoqartillugu siusinaartumik pensionisialaqalersinnaanermik aalajangiisoqareernerani isertitani maanna atuuttuni isertitat maanna atuuttut ilimagineqartut tunulequtaralugit siusinaartumik pensionisiat naatsorsorneqassapput.

Imm. 4. Siusinaartumik pensionisialik angerlarsimaffiup avataanut paaqqinnittarfimmut inissinneqarpat, qaammammi nuuffiusumi aamma qaammammi tulluuttumi utoqqalinersiat allannguuteqassanngillat. Tamatuma kingorna ukiumut kr. 22.608 (qaammammut kr. 1.884) tunniunneqartassapput, qanorluunniit isertitaqartarsimagaluaanni.

Imm. 5. Isertitat maanna atuuttut tunngavigalugit ukiut tamaasa januarip aallaqqaataani pensionisiat nalimmassarneqartarput. Isertitani maanna atuuttuni annertuumik allanngortoqarsimappat allannguuteqartoqarnerup kingorna nalimmassaaneq qaammatip aallaqqaataani atuutilertassaaq.

Imm. 6. Siusinaartumik pensionisiat pillugit Inatsisartut peqqussutaanni nr. 40, 9. december 2015-imeersumi akigititaq tulluuttoq aalajangerneqarpoq:

Meeqqanut tapit, nalinginnaasumik tapit qaammammut kr. 1.000,00

***Meeqqanut tapiissutit pillugit Inatsisartut inatsisaat naapertorlugu akigitit***

**§ 6.** Meeqqanut tapiissutit pillugit Inatsisartut inatsisaanni nr. 9, 7. december 2009-meersumi § 3, imm. 1, kiisalu qaqugukkulluunniit Aningaasanut Inatsit atuuttoq naapertorlugit akigitinneqartut makku aalajangersarneqarput:

Meeqqamut tapi qaffasinnerpaaq meeqqamut ataatsimut ukiumut kr. 8.477 Isertitanut nalimmassaaneq aningaasartaq manna killigalugu aallaartittarpoq kr. 130.000 meeqqallu siulliup saniatigut meeqqanut allanut kr. 25.000-inik qaffatsinneqartarluni.

Meeqqanut tapiissutit aningaasartat makku killigalugit atuukkunnaassapput:

- kr. 372.200 ilaqutariinnut 1-mik meerartalinnut (Ilanngussaq 3 – Nalunaarsuiffik 1)
- kr. 397.200 ilaqutariinnut 2-nik meerartalinnut (Ilanngussaq 3 – Nalunaarsuiffik 2)
- kr. 422.200 ilaqutariinnut 3-mik meerartalinnut (Ilanngussaq 3 – Nalunaarsuiffik 3)
- kr. 447.200 ilaqutariinnut 4-mik meerartalinnut (Ilanngussaq 3 – Nalunaarsuiffik 4)
- kr. 472.200 ilaqutariinnut 5-mik meerartalinnut (Ilanngussaq 3 – Nalunaarsuiffik 5)
- kr. 497.200 ilaqutariinnut 6-mik meerartalinnut (Ilanngussaq 3 – Nalunaarsuiffik 6)

***Inissiani attartortakkani ineqarnermut tapiissutit pillugit Inatsisartut inatsisaat malillugu akigitit***

**§ 7.** Inissiani attartortittakkani ineqarnermut tapiissutit pillugit Inatsisartut inatsisaat nr. 23 7. december 2015-meersumi § 5, imm. 1 aamma Ineqarnermut tapiissutisinnissamut appariartuaartitsinnissamut killiliussat, aningaasanut killiliussat, akiliutip ilaata agguaqatigiissinnera nammineq akiligassaq kiisalu ineqarnermut tapiissutit aningaasartaasa minnerpaaffissaat annerpaaffissaallu pillugit Namminersorlutik Oqartussat nalunaarutaat nr. 20, 24. novembari 2017-meersumi § 1 naapertorlugit ineqarnermut tapiissutit appariartuaartinneqarnissaannut killiussat makku aalajangiunneqarput:

Isertitanut nalimmassaaneq isertitat maanna atuuttut annertussusaat makku tunngavigalugit aallartittarpoq (Ilanngussaq 4 – Nalunaarsuiffik 1):

- kr. 60.000 inoqutigiinnut meerartaqanngitsunut
- kr. 25.000 inoqutigiinnut meerartalinnut

Ineqarnermut tapiissutit maanna isertitat atuuttut uku atuukkunnaassapput (Ilanngussaq 4 – Nalunaarsuiffik 1):

- kr. 196.000 inoqutigiinnut meerartaqanngitsunut
- kr. 417.000 inoqutigiinnut meerartalinnut

**Meeqqat tapersorneqarnissaannut inatsisartut inatsisaat naapertorlugu akigitinneqartut**

**Illersuisutut akissarsiat**

§ 8. Meeqqat tapersorneqarnissaannut Inatsisartut inatsisaat nr. 20, 26. Juni 2017-imeersumi § 44, imm. 5 naapertorlugu illersuisoq sulinermini imatut akissarsiaqartinneqassaaq:

Illersuisoq nalunaaquttap akunnerani siullermi akissarsiaqassaaq kr. 546,75  
tamatum kingorna nalunaaquttap akunneranut kr. 382,72

Ataatsimiinnerit kisimik akissarsissutigineqassapput Suliassanik piareersaanerit-kingornalu suliarinninnerit akissarsissutigineqarneq ajorput.

**Ilaqutariinnut inuussutissarsiuqalugu paarsisartunut paaqqinninersiutit il.il.**

§ 9. Meeqqat tapersorneqarnissaannut Inatsisartut inatsisaat nr. 20, 26. Juni 2017-imeersumi § 37, imm. 1 aamma Ilaqutariit paarsisartut pillugit Namminersorlutik Oqartussat nalunaarutaat nr. 17, 8. Novembari 2017-imeersumi § 23, imm. 1 naapertorlugit ilaqutariinnut inuussutissarsiuqalugu paarsisartunut paaqqinninersiutisariitinneqartartut il.il. Naalakkersuisut aamma Perorsaasutut Ilinniarsimasut Peqatigiiffiata akornanni isumaqatigiissutaasumi atuuttumi aalajangersarneqarput.

Immikkut ittumik piumasaqaateqartoqarneratigut ilaqutariinnut paarsisartunut perorsaanikkut isumassuinikkullu immikkut piumasaqaateqarfiusutigut paaqqinninersiutisiat 50 %-imik imaluunniit 100 %-imik qaffanneqarsinnaapput.

**Nalinginnaasumik ilaqutariinnut paarsalinnut paaqqinninersiutit**

§ 10. Meeqqat tapersorneqarnissaannut Inatsisartut inatsisaat nr. 20, 26. Juni 2017-imeersumi § 37, imm. 7, aammalu Ilaqutariit paarsisartut pillugit Namminersorlutik Oqartussat nalunaarutaat nr. 17, 8. Novembari 2017-imeersumi § 22. imm. 1 naapertorlugit akissarsiaritinneqartut il.il. aalajangersarneqarput.

Nalinginnaasumik paarsinersiutit qaammammut kr. 5.028,00

Immikkut ittumik piumasaqaateqartoqarneratigut ilaqutariinnut paarsalinnut perorsaanikkut isumassuinikkullu immikkut piumasaqaateqarfiusutigut paarsaqarnermi akissarsiat 50 %-imik imaluunniit 100 %-imik qaffanneqarsinnaapput.

Pilertortumik inissiineq ulloq unnuarlu kr. 478

Pilertortumik inissiinnermut meeqqamut pineqartumut annerpaamik ullunut 30-inut akissarsiaqartitsisoqarsinnaavoq; tamatum kingorna nalinginnaasumik akissarsiaqartitsisoqassalluni.

**Namminersorlutik Oqartussat ulloq unnuarlu paaqqinniffiini meeqqanik inuusuttunillu najugaqartitsineq**

§ 11. Meeqqat tapersorneqarnissaannut Inatsisartut inatsisaat nr. 20, 26. Juni 2017-imeersumi § 57 aamma Meeqqanut inuusuttunullu kiisalu annertuumik innarluutilinnut ulloq unnuarlu paaqqinniffiit pillugit Namminersornerullutik